

ANDROXYL CAPSULE

Cefadroxil (250mg, 500mg)

Apakah yang ada pada risalah ini

1. Apakah kegunaan ANDROXYL
2. Bagaimana ANDROXYL berfungsi
3. Sebelum menggunakan ANDROXYL
4. Cara menggunakan ANDROXYL
5. Semasa menggunakan ANDROXYL
6. Kesan-kesan sampingan
7. Cara penyimpanan dan pelupusan ANDROXYL
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RIMUP

Apakah kegunaan ANDROXYL

Cefadroxil ialah antibiotik yang tergolong dalam kumpulan ubat yang dikenali sebagai cephalosporin. Ia digunakan untuk merawat jangkitan disebabkan oleh bakteria tertentu. Ia membantu membunuh atau mengawal pertumbuhan bakteria yang boleh menyebabkan jangkitan paru-paru, kerongkong, kulit, atau pundi kencing.

Doktor anda mungkin mempreskripsikan ANDROXYL untuk tujuan lain. Tanya doktor anda sekiranya anda mempunyai sebarang soalan tentang sebab ANDROXYL dipreskripsikan kepada anda.

Bagaimana ANDROXYL berfungsi

Cefadroxil merupakan antibiotik spektrum luas yang membunuh pelbagai jenis

bacteria yang menyebabkan pelbagai jenis jangkitan umum.

Cefadroxil berfungsi dengan mengganggu keupayaan bakteria untuk membentuk dinding sel. Ia mewujudkan liang dalam dinding sel dan membunuh bakteria.

Sebelum menggunakan ANDROXYL

- Bila tidak boleh menggunakan

Jangan mengambil ANDROXYL jika:

- anda alah kepada cefadroxil, cephalosporin lain atau sebarang bahan kandungannya yang disenaraikan di akhir risalah ini. Simptom-simptom tindak balas alergi termasuklah: batuk, sesak nafas, semput atau kesukaran bernafas; bengkak pada muka, bibir, lidah, tekak atau bahagian-bahagian yang lain pada badan; ruam, gatal-gatal pada kulit; pengsan; atau simptom lain seperti rhinitis alergi.
- Anda mempunyai reaksi alahan yang serius terhadap mana-mana penicillin.

Anda berkemungkinan besar mempunyai reaksi alergi terhadap ANDROXYL sekiranya anda alahan terhadap mana-mana penicilin.

Jangan menggunakan ANDROXYL jika:

- Pembungkusan terkoyak atau menunjukkan tanda salahguna
- Jangan menggunakan selepas tarikh luput seperti

yang dicetakkan pada botol atau kotak.

- Jika anda tidak pasti sama ada anda harus mula mengambil ANDROXYL hubungi doktor atau ahli farmasi anda.
- Jika anda mempunyai sejarah cirit-birit yang dikaitkan dengan penggunaan antibiotik.

- Sebelum menggunakan ANDROXYL

Beritahu doktor anda jika anda mempunyai alahan terhadap sebarang ubat lain, makanan atau pengawet.

Beritahu doktor anda jika anda hamil atau bercadang untuk hamil atau menyusukan bayi. Doktor anda akan berbincang dengan anda mengenai risiko dan manfaat mengambil ubat ini.

Beritahu doktor anda jika anda mempunyai atau pernah mengalami sebarang masalah kesihatan seperti yang berikut:

- Penyakit buah pinggang
- Masalah usus
- Anda perlu menjalani ujian darah dan ujian air kencing.

Jika anda belum memberitahu doktor anda tentang mana-mana perkara di atas, beritahunya sebelum anda mula mengambil ANDROXYL.

- Jika mengambil ubat-ubat lain

Beritahu doktor atau ahli farmasi anda jika anda sedang mengambil ubat lain, termasuklah sebarang ubat yang anda beli tanpa preskripsi

daripada farmasi, pasaraya atau kedai makanan kesihatan.

Sesetengah ubat dan ANDROXYL boleh bertindak balas antara satu sama lain. Ini termasuklah:

- probenecid yang digunakan untuk merawat gout
- Ubat antiradang bukan steroid (NSAIDs)
- Salicylates, ubat untuk melegakan kesakitan.
- Aminoglycoside, ubat antibiotik
- Sulfinpyrazone, ubat untuk gout

Ubat-ubat ini mungkin dipengaruhi oleh ANDROXYL atau mungkin menjejaskan fungsinya. Anda mungkin perlu mengambil ubat anda dalam jumlah yang berlainan atau anda mungkin perlu mengambil ubat yang berlainan.

Doktor dan ahli farmasi anda mempunyai lebih banyak maklumat tentang ubat lain yang perlu diberi perhatian atau dielakkan semasa anda mengambil ANDROXYL.

Cara menggunakan ANDROXYL

Patuhi semua arahan yang diberikan oleh doktor atau ahli farmasi anda dengan teliti.

Arahan-arahan ini mungkin berbeza daripada informasi yang terkandung dalam risalah ini.

Sekiranya anda tidak faham arahan pada pek, tanya doktor atau ahli farmasi anda.

- Berapa banyak harus digunakan

Dewasa
Jangkitan saluran kencing:
1 atau 2 gram sehari

Jangkitan kulit:
1 gram sehari

Jangkitan tekak:
1 gram sehari

- Bila perlu digunakan

Ambil ubat anda pada masa yang sama setiap hari.

Mengambil setiap dos ANDROXYL pada masa yang sama setiap hari akan memberi kesan terbaik. Ia juga akan membantu anda mengingati masa mengambil ubat.

Ia boleh diambil bersama atau tanpa makanan; mengambilnya dengan makanan boleh mengurangkan risiko sakit perut.

- Berapa lama perlu digunakan

Ambil ANDROXYL secara berterusan sehingga pek ini habis atau seperti yang diarahkan oleh doktor anda.

- Jika terlupa menggunakan

Jika sudah dekat waktu dos seterusnya, tinggalkan dos yang terlupa dan ambil dos seterusnya mengikut jadual biasa.

Jika tidak, ambil dos yang tertinggal sebaik sahaja anda teringat dan kemudian kembali mengambil ubat anda seperti biasa.

Jangan gandakan dos untuk menggantikan dos yang terlupa.

Jika anda sukar mengingati masa untuk mengambil pil anda, minta petua daripada ahli farmasi anda.

- Jika mengambil berlebihan (terlebih dos)

Jika anda fikir anda atau orang lain mungkin terlebih mengambil ANDROXYL, hubungi doktor anda untuk mendapatkan nasihat atau pergi ke bahagian kecemasan

hospital yang terdekat dengan segera.

Ini mesti dilakukan walaupun tiada tanda ketidakselesaan atau keracunan.

Anda mungkin memerlukan rawatan perubatan dengan segera.

Semasa menggunakan ANDROXYL

- Perkara yang perlu dilakukan

Beritahu semua doktor, doktor gigi dan ahli farmasi yang sedang merawat anda bahawa anda sedang mengambil ANDROXYL.

Jika simptom jangkitan anda tidak bertambah baik dalam beberapa hari, atau jika ia menjadi lebih buruk, beritahu doktor anda.

Beritahu doktor atau ahli farmasi anda dengan segera jika anda mengalami cirit-birit teruk. Ini mestilah dilakukan walaupun ia berlaku beberapa minggu selepas ANDROXYL dihentikan.

Cirit-birit boleh bermakna anda mengalami keadaan yang serius yang menjejaskan usus anda. Anda mungkin memerlukan rawatan perubatan dengan segera. Jangan mengambil sebarang ubat cirit-birit tanpa memeriksa dengan doktor anda terlebih dahulu.

Jika anda hamil semasa anda mengambil ANDROXYL beritahu doktor anda dengan segera.

Jika anda akan mula mengambil sebarang ubat baru, beritahu doktor dan ahli farmasi anda bahawa anda sedang mengambil ANDROXYL.

- Perkara yang tidak boleh dilakukan

Jangan berhenti mengambil ANDROXYL jika keadaan anda bertambah baik, melainkan dinasihati oleh doktor anda.

Jika anda tidak menghabiskan semua ubat yang dipreskripsikan oleh doktor anda, semua bakteria yang menyebabkan jangkitan anda mungkin tidak dibunuh. Bakteria ini akan terus membiak dan bertambah menyebabkan jangkitan anda tidak pulih sepenuhnya atau ia mungkin kembali.

Jangan mengambil ANDROXYL untuk merawat sebarang masalah lain melainkan diarah oleh doktor anda.

Jangan beri ubat anda kepada orang lain, walaupun mereka mengalami keadaan yang sama seperti anda.

- Perkara yang perlu diberi perhatian

Berhati-hati apabila memandu atau mengendalikan mesin sehingga anda tahu bagaimana ANDROXYL mempengaruhi anda.

Pastikan anda tahu bagaimana anda bertindak balas terhadap ANDROXYL sebelum anda memandu kereta atau melakukan apa-apa yang boleh membahayakan jika anda terjejas.

Kesan-kesan sampingan

Semua ubat boleh membawa kesan sampingan. Kadang kala kesan sampingan ini serius, tetapi selalunya tidak.

Minta nasihat doktor atau ahli farmasi anda jika anda mempunyai sebarang

kebimbangan mengenai kesan mengambil ubat ini.

Jangan khuatir dengan senarai ini. Anda mungkin tidak mengalami sebarang kesan sampingan tersebut.

Beritahu doktor atau ahli farmasi anda jika anda mengalami sebarang kesan sampingan berikut yang membimbangkan anda:

- Cirit-birit
- Rasa tidak selesa atau sakit semasa buang air kecil
- Alergik (ruam kulit dan kemerahan pada badan anda)
- Genital moniliasis (jangkitan candidal)
- Vaginitis (inflamasi vagina)
- Neutropenia (gangguan darah)
- Gatal-gatal
- Sakit perut

Beritahu doktor atau ahli farmasi anda jika anda mendapati apa-apa yang membuatkan anda rasa tidak sihat. Kesan sampingan lain yang tidak disenaraikan di atas mungkin berlaku di kalangan sesetengah pesakit.

Anda boleh melaporkan sebarang kesan sampingan atau kesan adwers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web portal.bpfk.gov.my (*Consumers → Reporting*).

Cara penyimpanan dan pelupusan ANDROXYL

- Penyimpanan

Simpan ubat anda dalam peknyanya sehingga tiba masa untuk mengambilnya.

Jika anda mengeluarkan ubat daripada peknyanya, ia mungkin tidak dapat dikekalkan dalam keadaan yang baik.

Simpan ubat anda di tempat suhu bawah 30°C. Lindungi daripada cahaya.

Jangan simpan ANDROXYL atau ubat lain dalam bilik mandi atau dekat sinki.

Jangan tinggalkan ubat di atas unjuran tapak tingkap atau dalam kereta.

Haba dan kelembapan boleh merosakkan sesetengah ubat.

Simpan di tempat yang tidak boleh dicapai oleh kanak-kanak.

Almari yang berkunci sekurang-kurangnya satu setengah meter dari aras lantai ialah tempat yang sesuai untuk menyimpan ubat.

- Pelupusan

Jika doktor atau ahli farmasi anda mengarahkan anda berhenti mengambil ANDROXYL atau ubat ini sudah melepasi tarikh luputnya, sila tanya ahli farmasi anda apa yang patut dilakukan dengan sebarang ubat yang tinggal.

Maklumat lanjut

- Rupa dan warna produk

ANDROXYL CAPSULE 250MG

- Kapsul bersaiz 2 dengan penutup putih bertanda DUO dan badan kapsul berwarna kelabu dengan tanda 861, berisi dengan serbuk berwarna krim susu sehingga kekuningan.

ANDROXYL CAPSULE 500MG

- Kapsul bersaiz 0 dengan penutup putih bertanda DUO dan badan kapsul berwarna kelabu dengan tanda 861, berisi dengan

serbuk berwarna krim
susu sehingga
kekuningan.

Nombor Siri
BPFK(R4/1)201115/00443

- Bahan-bahan kandungan

Bahan aktif:

- Cefadroxil

Bahan-bahan tidak aktif:

ANDROXYL CAPSULE
250MG

- Magnesium stearate
- Lactose

ANDROXYL CAPSULE
500MG

- Magnesium stearate
- Lactose

- Nombor MAL

ANDROXYL CAPSULE
250MG
MAL11060021AS

ANDROXYL CAPSULE
500MG
MAL11060022AS

Pengilang

UPHA PHARMACEUTICAL
MANUFACTURING (M)
SDN BHD

2, Jalan Saudagar U1/16,
Seksyen U1, Hicom Glenmarie
Industrial Park, 40150 Shah
Alam, Selangor Darul Ehsan,
Malaysia.

**Pemegang Pendaftaran
Produk**

DUOPHARMA (M) SDN.
BHD. (42491-M)

Lot. 2599, Jalan Seruling 59,
Kawasan 3, Taman Klang Jaya,
41200 Klang, Selangor Darul
Ehsan, Malaysia.

Tarikh kemaskini RIMUP

20/11/2015